

續山東考古錄卷之二十

滄州葉圭綬子佩甫述

沂州府上

蘭山縣

周邠國後入魯為啟陽邑又邠國後亦入魯又魯中邱邑祝邱邑向邑次室邑一作漆室後入楚為蘭陵邑又莒邑

春秋昭公十八年邾人入邠杜注今琅邪開陽縣又哀公三年城啟陽注同今縣治正邠國地

又僖公十四年季姬與鄆子遇於防杜注今琅邪繒縣中邱邑故城在東北五十里又名諸葛城又名王僧辨城今

續山東考古錄

卷之二十

蘭山縣

一 蝸角尖廬

葛溝鎮地與沂水分界沂水志亦載之春秋隱公七年城中邱杜注琅邪臨

沂縣東北水經注沂水自陽都東南逕中邱城西又南逕臨沂縣

故城東葛溝鎮在沂水東臨沂故城東北正其地齊乘云王

僧辨城土人目為諸葛城元和志王僧辨城在臨沂東北五

十里唐縣今治府志諸葛城即中邱城最當三名實一城耳府志

別見王僧辨城不合

春秋桓公五年城祝邱按即漢即邱縣

向邑故城在西南一百二十里今向城鎮春秋地名向者凡

三一文公十一年會吳於向杜注在潁川長社縣東北蓋鄭

邑與今山東無涉一桓公十五年冬城向此內城書法而向

國已入於莒此向自爲魯邑今縣西南向城鎮是一隱公二年莒入向宣公四年公及齊侯平莒及邾莒人不肯公伐莒取向此爲向國後爲莒邑通典莒縣下云漢向縣故城在今縣南寰宇記莒縣南七十里有春秋時向邑故城今莒州南向城是乃杜預於莒入向以爲譙國龍亢縣東南之向城據漢志沛郡向縣下故國春秋曰莒人入向之文也於宣四年取向則又以爲東海承縣東南之向城卽縣之向城鎮也而疑其遠夫龍亢今安徽之懷遠縣顧反不遠耶蓋杜預不知莒國南別有向城耳杜佑知之而以爲漢向縣則甚繆樂史以爲邑而不知爲國齊乘以此向城爲向國而又引寰宇記向城在

續山東考古錄

卷之二十

蘭山縣

二 蝸角尖廬

莒縣南之文且云蓋今沂州之向城鎮則將兩向城混爲一左傳補正疑龍亢爲遠以于氏說近是不知杜預已有此說前錄亦從于氏說以爲只一向先爲國後并於莒而或屬魯抑知莒州南縣之西南明明有兩向城乎齊乘此條沂州誤作沂水考證辨之亦不知有兩向城今據通典寰宇記以在莒州南者爲國爲莒邑據桓十五年經文以在縣西南者爲魯邑較允若漢縣自當以在懷遠者爲是此城所近皆東海郡屬斷非沛郡向縣莒南向城更無庸辨

琴操魯漆室女倚柱悲吟而嘯漢志蘭陵孟康注次室亭魯

伯是三字似有脫誤後漢志蘭陵有次室亭劉昭注地道記曰故魯

次室邑列女傳有漆室之女或作次室 史記孟子荀卿列傳荀卿適楚爲蘭陵令

春秋莊公九年公及齊大夫盟於蕮杜注繒縣北有蕮亭在蕮

縣或在嶧縣或在費縣皆無確據姑係此備考公羊傳蕮字作暨路史云沂之承有蕮亭其時今蘭山西境皆承地近志蕮邑仍係嶧縣但今繒城之北實無嶧地也

後漢志臨沂下劉昭注隱六年盟於艾誤引杜注詳蒙陰齊乘

引不誤而仍謂艾在沂州西三十里艾山下何耶又原注有

叢亭劉昭注博物記曰縣東界次睢有太叢社民謂之食人

社即次睢之社按春秋僖公十七年宋公使邾文公用鄆子

於次睢之社欲以屬東夷杜注睢水受汴逕陳留譙城彭城

續山東考古錄

卷之二十

蘭山縣

三 蝸角尖廬

縣入泗此水次有祆阿憐切神東夷皆社祀之臨沂固近繒然

非睢水所逕疑有誤

齊乘鍾離城沂州西南百餘里路史云鍾離徐之別封今沂

之鍾離城乃晉吳會處其後徙九江吳滅之郡國志謂此城

楚將鍾離昧所築按春秋成公十五年會吳於鍾離杜注楚

邑淮南縣漢志九江郡鍾離應劭注鍾離子國晉志屬淮南

安得在沂州西南耶又考元和志海州朐山縣有鍾離昧故

城在縣南百里項羽將鍾離昧所築昧即此縣人按朐山縣

西北百四十步即宋泰始五年僞置之琅邪郡城寰宇記作廢沂州城

考周改北徐州爲沂州宋無此州名隋志朐山縣舊曰朐置琅邪郡後周改郡縣皆曰朐山樂氏因隋唐宋之沂州亦稱

琅邪郡遂是鍾離昧所築城在僑琅邪郡之南百里後人誤
誤加於彼指實土至以爲吳晉會處又杜撰徙九江之說愈繆矣
春秋隱公十年會齊鄭於中邱癸丑盟於鄧縣西南八十里
有鄧王城疑其地

漢徐州東海郡開陽縣臨沂縣蘭陵縣利成縣繒縣戚縣卽邱

縣北境當有陽都縣地
西南當有襄賁縣地

開陽縣故城在北十五里通典臨沂有開陽縣故城襄賁縣
故城在今縣南按末句承襄賁城來開陽城不在唐縣南也
臨沂縣故城在北五十里今臨沂社

蘭陵縣故城在西南百六十里今蘭陵集

續山東考古錄

卷之二十

蘭山縣

四 蝸角尖廬

利成縣故城在東一百里又名監官城寰宇記海州懷仁縣
利成故城在西六十里今在縣與鄒城江南贛榆接界處

繒縣故城在西南百一十里俗讀繒如
層曰層城

戚縣故城當在縣西括地志臨沂縣有戚縣故城按晉分戚
屬蘭陵郡則在縣西矣疑卽縣西南四十里之舜歌城戚縣
音訛爲七弦俗又附會於舜歌耳或曰舜五弦則此疑非余
曰此等附會不須泥此
卽邱縣故城在東南五十里俗曰禹王城齊乘以爲新城誤

府志琅邪魏其縣在縣境未詳所據通志同

後漢徐州琅邪國治開陽縣永平五年自莒
縣徙國來治又臨沂

縣卽邱縣繒縣東海郡蘭陵縣戚縣利成縣建安三年於利成

縣置利成郡十一年成縣屬琅邪魏琅邪爲郡晉書解系傳父脩魏琅邪太守

廢利成郡晉琅邪復爲國元康元年蘭陵成二縣屬蘭陵郡詳下

江左別僑置琅邪國南燕慕容德幽州治發干戌

後漢書光武紀章懷注城陽國故城在今沂州臨沂縣南按

在臨沂南者卽開陽蓋因後漢城陽并入琅邪而誤唐臨沂

縣卽今府治開陽故城在漢臨沂縣南不在唐縣南

補三國志黃初六年通鑑在五年利成郡兵蔡方等以郡反殺太

守徐質此後不復再見疑因方等反郡遂廢也姑從之寰宇記利

成縣後魏獻帝曾於此立郡後魏當作後漢圖經云晉利成仍爲縣似魏世終有此郡矣

晉書元帝紀永昌元年琅邪太守孫默叛降於石勒是東晉

續山東考古錄 卷之二十 蘭山縣 五 蝸角尖廬

已改國爲郡補東晉志引此而仍稱國似不合其補十六國

志後趙稱國前燕稱郡前秦據前秦錄苻堅以徐攀爲琅邪

太守稱郡後燕南燕又稱國尤不合通典宋改爲郡亦未核

元和志晉元帝於琅邪郡城置發干戌以南軍鎮之然則卽

開陽城矣齊乘稱沂州東北有小營城晉發干戌營似誤

補十六國志南燕幽州下晉志德以幽州刺史鎮發干按德

蓋仍晉幽州舊名置此發干卽元帝所置發干戌晉志陽平

郡有發干縣諸地志以爲德幽州治所今考德雖置五州皆

不出青徐二州境且晉本於徐土置幽州德蓋又仍晉之舊

晉志江北又僑立幽冀青并四州義熙時又綬按此說最當
以幽冀合徐州今未詳治所故於東晉不書

晉書荀崧傳慕容儻將王騰等寇琅邪鄆城荀羨自下邳討之紀要稱東晉僑立鄆城縣於沂州東北無據或鄆城之訛劉宋徐州琅邪郡治卽邱縣

後魏北徐州治琅邪郡治卽邱縣永安二年置州州治卽今縣治又徐州蘭陵郡蘭陵縣

高齊北徐州治琅邪郡卽邱縣

寰宇記沂州理城後魏北徐州城也

後魏卽邱縣故城在西二十里魏志卽邱有卽邱城又有繒城臨沂城後魏亦有臨沂縣今未詳治所蓋得漢之三四縣地西境甚大故

移治於此齊乘以爲厚邱城考水經注流水逕厚邱在卽邱

續山東考古錄

卷之二十

蘭山縣

六 蝸角尖廬

之後此城在漢卽邱西北寰宇記厚邱城在沭陽縣北四十六里以此

當之可乎 隋志卽邱帶郡考宋魏郡領卽邱費二縣卽治卽邱無疑疑宋卽邱已徙此南北朝輿地表劉宋琅邪治費縣第以宋志首費縣耳不可從

宇文周沂州治琅邪郡治卽邱縣武帝改北徐州曰沂州

隋沂州治臨沂縣開皇十六年分卽邱復置臨沂縣又置鄆

城縣屬鄆州大業二年省鄆城入蘭陵省卽邱入臨沂來屬又

徐州彭城郡蘭陵縣地

開皇十六年至大業元年臨沂故城在縣東北三十六里又

名郟城大業二年移入郡城卽沂州城大業時稱郡寰宇記臨沂縣高

齊省開皇復置於今縣東北三十六里今本作二十六里其郟城條作此數通志

作四故郟城又云卽邱後齊廢考隋志臨沂舊曰卽邱開皇
十六年分置臨沂大業初併卽邱入焉是齊未廢卽邱也齊
廢之臨沂亦與漢治無涉記又謂郟城爲魯叔孫氏邑考郟
城在今東平州水經注有明據左傳定公十年侯犯以郟叛
駟赤先奔宿宿城在郟城北甚近足證酈注之不誤此非叔
孫之郟明矣齊乘反是此而非彼何耶

隋郟城縣卽漢縣城

唐河南道

沂州琅琊郡

治臨沂縣及丞縣地武德四年析置蘭山臨

沂昌樂三縣復置郟城縣屬郟州又析朐山置利成縣屬海州

六年省蘭山臨沂昌樂入臨沂八年省利成入懷仁貞觀元年

續山東考古錄

卷之二十

蘭山縣

七 蝸角尖廬

省郟城入承五代因之

蘭山縣故城在南八十里今新城

友人蘭山密雲路云縣南八十里沂水西流水東有

古城址隔武水有蘭山舊志稱蘭山縣故城在今縣南八十里正指此城土人名曰新城而齊乘所謂新城今名禹王城考水經注流水逕卽邱縣沂水不云逕卽邱則新城爲唐蘭山縣城卽邱城卽禹王城矣

臨沂縣治今不可考縣東有臨沂鄉

昌樂縣治當在縣南縣南四十里有昌樂社

州志作常樂

舊唐志沂州漢東海郡之琅琊縣按漢琅琊縣屬琅琊郡在

今諸城並非唐之臨沂其臨沂下云後魏置郟郡又改爲北

徐州並在此縣按後魏郟郡治郟縣北徐州城卽今縣城並

非郟郡改蓋唐元和以後郟縣亦并入臨沂而後魏郟郡又

有別置之臨沂縣遂致此繆

宋京東東路

沂州琅邪郡

防禦治臨沂縣及承縣地

金山東東路沂州防禦治臨沂縣

金蘭陵西境入臨沂見齊乘

元都省山東益都路沂州治臨沂縣

明山東布政司兗州府沂州洪武元年廢臨沂縣其地直隸於

州屬濟寧府五年屬濟南府七年屬青州府十八年屬

明志沂州元屬益都路後省州治臨沂縣入州洪武元年屬

濟寧府似臨沂元末廢而元志不載今姑從州志

國朝山東布政司沂州府治蘭山縣初因明舊雍正二年直隸

布政司十二年升沂州為府並復置蘭山縣為府治

續山東考古錄

卷之二十

蘭山縣

八 蝸角尖廬

沂州志

康熙十三年修知州邵士置縣後尚無縣志

沿革

並屬縣在內

周封五國三

曰費按費之為國無確據

詳費縣

又邑凡八五曰新城八曰

邠按邠邑沿寰宇記之誤以新城為鄭新城邑繆甚 漢

改琅邪郡為東海郡置縣凡十有三按漢琅邪東海兩郡

並置東海領縣三十八非十三如以州境言又不當及承

與昌慮 東漢分東海置琅邪國繆 南宋置南琅邪郡

與州無涉 隋屬河南道繆 古蹟古城皆無方向里數

郯城縣

周郯國後入越又入楚又魯襄賁邑

春秋宣公四年平莒及郯竹書紀年晉烈公四年於粵伐郯

以邾子鵠歸按卽漢邾縣 又定公三年仲孫何忌及邾子
盟於拔杜注以爲地闕左傳冬盟於邾修邾好也杜又云邾
卽拔也按經傳合觀拔當係邾地疑亦在縣境 公羊作枝

魯連子陸子謂齊潛王曰魯費之衆臣甲舍於襄賁卽漢縣

漢徐州東海郡治邾縣漢初名邾郡後改東海屬楚國景帝二

年屬朝廷 楚元王傳王戊爲薄太后服私姦削東海郡 又襄賁縣又利成縣地 詳蘭山邾

城有利成社志作和成筆誤

邾縣故城在城北有遺址 縣志圖北門外有邾子東城邾子西城實一城耳 縣府志

並稱今城北古城爲古邾國秦漢邾縣城考水經注沂水過

襄賁縣東屈從縣西南流又屈南過邾縣西元和志下邳縣

續山東考古錄

卷之二十 邾城縣

九 蝸角尖廬

故邾城在縣東北百五十里寰宇記同又稱在沂沭二水之

間周十餘里其懷仁縣引太康志云祝其城在邾東九十里

齊乘邾城在沂州東南百二十里縣北古城西南至舊邳州

東至祝其故城 在江南贛榆西南懷仁故城南四十里 西北至府里數旣符又

在沂東沭西稱名未改卽古邾城無疑紀要稱在邳州東北

八十里蓋泥於元和志寰宇記係下邳而云然不知元和初

邾故城本屬下邳後又隸臨沂寰宇記仍係下邳本不合不

然元初邾未復縣于氏云云指何城耶乾隆志稱在縣西臆

度無確據 漢書高紀六年以碭郡辭郡邾郡三十六縣立

弟文信君交爲楚王知漢初仍名邾郡地志以爲高帝置東

海郡改名當在六年後矣楚元王傳作薛郡東海彭城三十
六縣周勃傳項籍死東定楚地泗水東海郡或史追稱之

襄賁縣故城在西少北六十里今長城店通典襄賁故城在
臨沂南沂州志襄賁城今長城蓋襄字形近長音復相似因

訛作長耳然此城今在縣境非蘭山地唐屬臨沂齊乘稱襄賁城

與鍾離城相對俗曰鑿城按于氏所謂鍾離城實在今海州

宋泰始五年於今安東縣北三十里東海王城置襄賁縣其

城又名金城唐曾於彼置金城縣見寰宇記漣水及下邳縣下鍾離城正

與相對則此襄賁乃劉宋縣非漢縣鑿字蓋金字傳寫之訛

似與其上文之字誤合爲一字今蘭山西南七十里有柞城見雜考通志臆揣

續山東考古錄 卷之二十 邳城縣 十 蝸角尖廬

卽鑿城府志旣以長城爲襄賁又以爲柞城是皆未明于氏
之誤耳

後漢徐州治東海郡治邳縣後漢志邳訛剡及襄賁縣又利成縣地建

安十一年邳襄賁益琅邪未詳何時復故魏太和六年東海爲國晉泰

始中爲郡城陽王子祗封東海王卒無後惠帝時復爲國高密王子越封此宋省邳縣

後漢廢太子疆封東海王魏志邳郡漢高改東海後漢爲國

晉復而後漢志東海稱郡或以東海王都魯縣故也然後漢

有魯相又有東海相則東海不得稱郡補三國志稱魏黃初

中作國亦未核 三國魏紀建安十一年割東海之襄賁邳

戚以益琅邪按東海治邳邳改屬未詳郡治何所晉邳襄賁

仍屬東海魏代二縣未詳何屬補志屬東海未敢從

劉宋志東海太守下明帝失淮北僑立青州於顛榆縣泰始

七年又立東海縣屬東海郡今海州東有東海廢縣即其青

州治州北二里即其東海縣及郡治唐移縣於州城其襄賁故城在

州城南百二十里即金城是明帝失今郟城縣地襄賁已自此

徙彼也即隋之連水縣紀要沂州襄賁城漢縣後漢晉因之宋仍屬

東海郡似混僑縣實土為一又云東晉時縣徙於東南境淮

水北岸亦誤宋為晉

後魏東徐州郟郡治郟縣武定八年改東海為郟郡高齊省郟

縣及郟郡

續山東考古錄

卷之二十

郟城縣

十一

蝸角尖廬

後魏臨沂縣屬郟郡其故城入即邱所移治似當在縣境縣

西北 十里縣志作西三十里密得軒云在西北不止三十里有故縣莊自府城視

之在西南且在沂水西其非漢郟縣城甚明疑即後魏臨沂

縣也備考

齊天統間造像題字有云亡考東海太守郟城戍主寰宇記

郟高齊廢蓋郡縣同廢戍主兼東海太守也魏書盧元傳有郟城戍

宇文周郟州郟郡治郟縣大象元年郡縣並復

隋泗州郟縣開皇初廢郟郡來屬

唐臨沂縣地南境當有武德四年郟縣屬郟州貞觀元年省入

下郟曰郟城鄉寰宇記孔望山在郟城鄉元和中復又省入臨沂五代宋金

元因之

明山東布政司兗州府沂州鄒城縣洪武初置

鄒城縣即今治縣志縣城元末沂州守禦王信築土城蓋城元築而縣明置

國朝山東布政司沂州府鄒城縣初因明舊雍正二年屬沂州直隸州十三年州升府仍屬

縣志明萬曆十三年修知縣顏若愚沿革楚滅鄒當在

頃襄考烈之世據史記頃襄時楚人有好以弱弓微繳加

也此第舉四小國為文按當據紀年秦以是城轄薛郡

分轄琅邪郡按不書秦鄒郡非無本然謂轄二郡是城何

續山東考古錄

卷之二十

鄒城縣

三 蝸角尖廬

物而轄郡耶 元初罷臨沂至正間復古無此說下又云

明改縣為鄒城其意或謂改鄒為鄒城而承上文言竟似

元至正間復置臨沂明改今名矣 論曰鄒或入楚或隸

琅邪而又有臨沂之名按竟不知為漢晉東海郡國治直

以鄒城為臨沂尤繆

費縣

顏師古曰音秘通鑑胡注費字有兩姓一音蜚嬴姓出於伯益之後其一音秘姬姓出於魯季友按春秋之初

已有費伯不必皆出季友也今山東稱費縣皆讀作蜚音非是

周魯費邑武城邑台邑東陽邑邱輿邑防邑又鄭昉邑後入魯

又顓臾國武城後入齊戰國曰南城

東南當有鄒國地

書費誓史記魯世家作胙徐廣曰一作鮮一作獮裴駟案尙

書作柴孔安國曰魯東郊之地名也書纂言云肸即費字傳

寫不同

鮮肸形近肸獮音近肸亦作盼說文作柴誓作柴作柴皆誤

書傳旁通云春秋之

初費自爲國隱公元年費伯帥師城郎後爲魯季氏邑然則伯禽時費決非魯地但魯爲方伯費在屬國之中其時徐戎必寇費故伯禽征之耳按費去曲阜百餘里似非東郊地周初或爲魯附庸或竟黨徐戎征而滅之遂爲魯地皆未可知若春秋初則已入於魯費伯帥師城郎杜預以爲魯大夫傳書法皆法經文其爲魯臣甚明蓋費氏伯字非費國伯爵也竹書紀年夏啟二年費侯伯益出就國即胡三省所謂音蜚之費非此費也元和志費縣古費國吳氏當本諸此古無明據未敢從 戰國時費蓋自爲小國

續山東考古錄

卷之二十

費縣

三

蝸角尖廬

孟子有費惠公新序魯人攻鄭曾子辭於鄭君曰請出寇罷

復來

即曾子居武城事其時武城分入費也特越寇魯寇傳聞異耳

儼與魯爲敵國矣即漢

費縣

春秋襄公十九年城武城杜注泰山南武城縣自古迄明初

無異說明成化後忽以嘉祥之後漢金鄉縣城當之前錄辨

之已悉

明費人王雅量有曾子居武城考實見通志闕里志辨駁尤詳

史記田敬仲世家

威王曰使檀子守南城元和志以爲即漢南城縣

春秋宣公十三年莒人伐我東鄙圍台杜注費縣南有台亭

東陽邑故城在縣西南六十里今關陽鎮春秋哀公八年左

傳吳師伐魯故道險由武城克東陽而進舍於五梧後漢志

南城下有東陽城劉昭注夏孔甲遊田於東陽蕢山按是否即此東陽無確証魏志南城

下有東安城即東陽訛也王雅量以為關陽鎮北二十里之

東陽村並存備考

春秋哀公十四年左傳阮氏葬司馬牛於邱輿杜注泰山南

武城西北有輿城

防邑故城在東北四十里今防城村春秋隱公九年公會齊

侯於防杜注在琅邪華縣東南後漢志蓋縣劉昭誤引此注

蓋縣漢屬泰山晉屬東莞不屬琅邪華蓋形近而訛耳此會謀伐

宋杜氏以為此防或以視他防邑去宋差近歟定五年季平

子行東野丙申卒于房似亦此邑補正云房疑即防是也

春秋隱公八年鄭伯使宛來歸祊杜注在費縣東南詳下

續山東考古錄 卷之二十 費縣 古 蝸角尖廬

顓臾國故城在西北八十里春秋僖公二十一年左傳顓臾

風姓也杜注在南武陽縣東北

漢徐州東海郡費縣南成縣兗州泰山郡南武陽縣華縣

費縣故城在西北二十五里王念孫曰漢書王子侯表蕢侯方師古曰蕢音口怪反字或作

費音扶未反又音祕按蕢字從草蕢聲音求味口怪二反不

音扶味反亦不音祕且不得與蕢通蕢當為蕢字之誤也蕢

字從艸蕢聲蕢音奔又音彼義反故蕢音墳又音扶味反又

音祕聲與蕢同故字亦相通師古不知蕢為蕢之訛故音口

怪反史記蕢作費索隱曰蕢音祕又扶味反蕢與蕢字異而

音同即東海費縣也又索隱云表在琅邪琅邪東海二郡相

連故志在東海而表在琅邪今本末一格脫琅邪二字當補入

南城縣故城在西南八十里元和志作九十里

南武陽縣故城在西北九十里顓臾城西南十里

華縣故城在東北六十里

後漢兗州泰山郡費縣南城縣南武陽縣初省華縣後復魏因

之後漢永平二年以泰山之南武陽華益琅邪五年又以華益南武陽等五縣易東海之開陽臨沂是永平五年華猶未省也泰山都尉孔宙碑陰有華縣時在延熹七年則已復置也三縣還屬泰山未詳何時據碑則延熹時華已復屬泰山三國魏志臧霸傳泰山華人則終魏世華屬泰山矣補三國志華屬琅邪郡殊為失考也

晉徐州琅邪郡費縣華縣兗州泰山郡南武陽縣南武城縣南

城改羊祜傳武帝詔分泰山南城等五縣立南城郡祜辭不果行然則晉初猶未改名也

劉宋徐州琅邪郡費縣兗州泰山郡南城縣武陽縣

後魏北徐州琅邪郡費縣東泰山郡南城縣武陽縣

東泰山郡領南城新泰武陽三縣皇興三年置屬兗州永安

續山東考古錄

卷之二十

費縣

五 蝸角尖廬

中屬北徐州郡治史無明文疑即治南城也

南北朝輿地表以為治南城

魏志南城有武城未詳徙治何所

寰宇記南城武城並見據杜預說南城武城自是一

城樂氏或指後魏治也惜無去縣里數

高齊北徐州琅邪郡費縣

武陽縣

東泰山郡齊周省否古無明據

宇文周沂州琅邪郡費縣

武陽縣

隋志顯史舊曰南武陽史偶用古名

隋

沂州琅邪郡

費縣顯史縣開皇十八年改武陽為顯史隋亂費縣

廢

唐志武德四年復置費縣則隋亂廢矣疑顯史亦亂廢而唐初復置者

隋費縣即今治魏志費縣有費城寰宇記費縣宋屬琅邪郡

自漢費縣移理祊城後魏孝文帝太和二十年又自祊城移

費縣於今縣城北四十里陽口山

齊乘蒙山前有陽口村

隋開皇三年

復自陽口移入祊城今縣理也此一說也又云縣理中城後

魏太和二十年築以置費縣周迴二十里外城即故祊城後

移理薛固詳滕縣近志以顓臾城為薛固城不足據周移陽口山南隋又移入祊

城此又一說也一人之書寸楮之內矛盾如此極力考訂迄

無定論隋迄今未再徙今治猶有中外兩城山川古蹟與元

和志寰宇記方向里數悉合似今治即祊城矣而水經注治

水實經祊城之南今名浚河今治却在水南此水兩岸皆山斷無

改流之理而縣東浚水北又有古城土人猶名為祊則所謂

隋還祊城者亦不足憑矣齊乘云祊城今縣理土人乃以陽

口城為祊城又呼為許田城皆誤按土人所謂祊城在東南

續山東考古錄

卷之二十

費縣

夫 蝸角尖廬

並非以陽口城為祊而浚南又別有許田城亦非呼祊為許田也其引寰宇記云自漢費縣移理祊城不承上文宋屬琅邪郡來何代移祊城耶紀要又誤看此句竟稱後漢移祊城尤為乖舛近志從前說者多而不知與後說牴牾間有兼採兩說者亦無的據茲於隋代定為今治宋魏周之移徙統俟再考

唐河南道

沂州琅邪郡

費縣武德四年復貞觀元年省顓臾縣入之

五代因之

宋京東東路

沂州琅邪郡

費縣

金山東東路沂州費縣

元都省山東益都路沂州費縣

明山東布政司兗州府沂州費縣

國朝山東布政司沂州府費縣初因明舊雍正二年屬沂州直隸州十二年州升府仍屬

縣志

康熙二十八年修知縣黃學懃

沿革漢為徐州東海郡東漢為兗

州泰山郡地北魏為徐州泰山琅邪二郡地按兩漢專據

費縣言後魏又及泰山郡則並武陽南城言豈兩漢無此

二縣耶費屬琅邪自晉始越晉宋而及北魏豈晉宋並無

費縣耶況後魏武陽南城屬北徐州東泰山郡不屬徐州

泰山郡泰山郡屬兗州不屬徐州 古蹟有息城梁邱城

續山東考古錄

卷之二十

費縣

七 蝸角尖廬

皆無稽又有鄆城非縣境

其名宦首閔子真誣蔑先賢

25

8